

ԳԻՏԱԿԱՆ ԼՐԱՏՈՒ

ՀՈԲԵԼՅԱՆԱԿԱՆ ՆՍՏԱՇՐՋԱՆ՝ ՆՎԻՐՎԱԾ ԵՐՎԱՆԴ ԼԱՆԱՅԱՆԻ ԾՆՆԴՅԱՆ 100-ԱՄՅԱԿԻՆ

Հանրապետության դիտական լայն հասարակայնությունը նշեց հայագիտության նշանավոր գեմբերից մեկի՝ խոշոր ազգագրագետ, բանագետ-բանահավար, հնագետ Որվանդ Հալայանի ծննդյան 100-ամյակը:

Հայկական ՍՍՌԻ ԳԱ հասարակական գիտությունների բաժանմունքի հորեյանական նստաշրջանը՝ նվիրված այդ նշանավոր տարեթվին ներածական խոսքով բացեց ՀՍՍՌԻ ԳԱ հասարակական գիտությունների բաժանմունքի ակադեմիկոս-բարտուղար Մ. Գ. Ներսիսյանը:

Ե. Հալայանի հնագիտական գործունեությանն էր նվիրված դոկտոր-պրոֆեսոր Կ. Գ. Ղաֆարյանի «Անհնավոր հայագետը» պեկուցումը: Զեկուցողը նշեց, որ հնագիտության բնագավառը միշտ էլ եղել է Ե. Հալայանի ուշադրության կենտրոնում: Նրա ստեղծած «Ազգագրական հանդեսի» բոլոր համարներում տպագրվել են տեղեկություններ պատմական Հայաստանի տարբեր շրջաններում հայտնաբերված հնագիտական նյութերի, պատմական հուշարձանների մասին, վերծանվել վիճակահան արձանագրությունները և այլն:

Ե. Հալայանը մամուլի և հրապարակային դասախոսությունների միջոցով միշտ կրթոտությամբ հանդես է եկել պատմական հուշարձանների պահպանության օգտին՝ ամբողջ Անդրկովկասում, զբաղվել է հնագիտական պեկուցումներով, նա պեկուցումներ է կատարել Շարուր-Դարալագյազում, Նախիջևանում, Նոր Իսթանում, Շրեշ-բլուրում, Էյարում, Նիժ և Վարդաշեն գյուղերում: Նրա հայտնաբերած նյութերի մեծ մասը պահվում էին Թիֆլիսում՝ ազգագրական թանգարանում, որոնց բազայի վրա 1922 թ. կազմակերպվեց Հայաստանի պետական պատմական թանգարանի հնագիտական բաժինը:

Անվանի գիտնականը գրել է մի շարք հնագիտական հոդվածներ, կտրղացել հրապարակային զեկուցումներ: 1931 թ. երևանում լույս է տեսնում «Դամբանների պեկուցումները խորհրդային Հայաստանում» գիրքը, որն ամփոփում է Ե. Հալայանի կարևոր հնագիտական աշխատությունները:

Ե. Հալայանի ազգագրական գործունեության մասին զեկուցումով հանդես եկավ պատմական գիտությունների թեկնածու Կ. Վ. Մելիք-Փաշայանը: Զեկուցողը նշեց, որ «Ազգագրական հանդեսի» հրատարակությունը խոշոր երևույթ էր հայ իրականության մեջ, որով սկիզբ դրվեց հայ գիտական ազգագրությանը: Հանդեսը հրատարակվեց 26 գրքով՝ 20 տարվա ընթացքում (1896—1916 թթ.): Հալայանը բացատրելով հանդեսի հիմնական նպատակը՝ նյութը կորստից փրկելը, «Հանդեսի» Ա համարում գրում է. «Մենք կկրենք քարերը և երանի նրան, ով կգա այդ քարերով ազգային ինքնությունության շենքը կառուցանելու և համամարդկային էվոլյուսիոնի սրենքները դժելու»:

Այնուհետև զեկուցողը կանգ է առնում Ե. Հալայանի կողմից 1900 թ. Թիֆլիսում հիմնադրված Ազգագրական հրատարակչական ընկերության աշխատանքների ընթացքի մասին: 1906 թ. այդ ընկերությունը վերակազմավորվում է Հայոց ազգագրական ընկերության և իր գոյության շուրջ 10 տարիների ընթացքում հեկայական աշխատանք է կատարում ազգագրական նյութեր հավաքելու և դրանք կորստից փրկելու գործում: Ընկերության որոշմամբ Թիֆլիսում կազմակերպվում է ազգագրական թանգարան, որը շուտով բաժանվում է հարստանում է շնորհիվ Ե. Հալայանի ցանքերի և հասարակության լայն խավերի մասնակցության: Թանգարանը հետագայում տեղափոխվում է խորհրդային Հայաստան, որի բազայի վրա հիմնվում է Հայաստանի պետական պատմական թանգարանը: Ե. Հալայանի ղեկավարությամբ: Ե. Հալայանը հեղինակ է մի շարք արժեքավոր ազգագրական աշխատությունների և մենագրությունների՝ «Ջավախք», «Սիսիան», «Տեղեկագիր» 1—7

«Նոր-Բայազետ», «Վասպուրական», «Գանձակի զավառ» և այլն, որոնք մինչև այժմ էլ մնում են անգերազանցելի:

Բանասիրական գիտությունների թեկնածու Լ. Նադինյանը հանդես եկավ «Երվանդ Հալայանը որպես բանահավաք-բանագետ» զեկուցմամբ: Նա նշեց, որ Ե. Հալայանը ժողովրդական բանահյուսությունը դիտում էր որպես ազգագրության մի անբաժանելի օղակ և իր ազգագրական աշխատություններում մեծ տեղ էր հատկացնում բանահյուսական նյութերին: «Ազգագրական հանդեսի» էջերում պարբերաբար տպագրվել են ժողովրդական բանահյուսության տարբեր ժանրերի նյութեր, որոնք առնչվել են ազգագրական այս կամ այն սովորույթին: Բացի այդ, ինչպես նշում է զեկուցողը, «Ազգագրական հանդեսի» էջերում պարբերաբար տպագրվել են տարբեր շրջանների բանահյուսական խառն նյութերի ժողովածուներ (Բորչալուի, Վասպուրականի բանահյուսությունից) կամ առանձին ժանրի նյութեր (վիճակի երգեր): Կարևոր արժեք են ներկայացնում Ե. Հալայանի կողմից գրի առնված «Սասնա ծռեր» վեպի Նոր-Բայազետի, Վանի, Ալաշկերտի պատումները, «Ռոստոմ-Ջալս» իրանական վեպի հայկական տարբերակը, որոնք տպագրվել են «Ազգագրական հանդեսի» էջերում:

Ե. Հալայանը իր գործունեության ամբողջ ընթացքում անձամբ հավաքել ու գրի է առել ժողովրդական բանահյուսության բազմաթիվ նյութեր: Ժողովրդական բանահյուսության գանձերի փրկելը նա համարել է ամբողջ ազգի գործ և միշտ մասնույժ, զեկուցումների միջոցով կոչ է արել հայ մտավորականներին զավառներում զբաղվել այդ գործով: Իր հավաքած նյութերը նա հրատարակել է առանձին ժողովածուներով («Ջավախքի բուրմունք» և այլն): Հայ բանահյուսության մեծարժեք գործերից է Ե. Հալայանի «Ընթերցանքներ հայ բանահյուսության» ժողովածուի երեք հատորները, որտեղ զետեղված են 91 հեքիաթ, որոնք հեղինակը գրի է առել 1912—14 թթ. Արարատյան դաշտավայրում և Ապարանում: Հալայանի «Պառավաշունչ» ժողովածուն պարունակում է Ջավախքի շուրս հերիաթները: 1915 թ. Ե. Հալայանը ձեռնարկում է հայրենասիրական մեծ գործ. կազմակերպում է բանահյուսական արշավախումբ՝ Արևմտահայաստանից գաղթած և Անդրկովկասում ապաստան գտած հայերից բանահյուսական նյութեր հավաքելու նպատակով: Արշավախմբին մասնակցում էին մի շարք հայրենասեր մտավորականներ, որոնք նույնպես գաղթել էին Արևմտյան Հայաստանից (Նազարեթ Մարտիրոսյան, Սենիքերիմ Շալճյան, Արտաշես Բարսեղյան, Շահեն Կուժիկյան և այլք): Չափազանց մեծ դժվարություններ հաղթահարելով արշավախումբը Ե. Հալայանի ղեկավարությամբ տանջահար ու սովալլուկ դադարակներով 1915—1916 թթ. գրի է առնում շուրջ 800 հեքիաթ, զրույց ու ավանդություն, բազմաթիվ երգեր, բանահյուսական այլ ժանրերի ստեղծագործություններ: Հալայանը թողել է հսկայական բանահյուսական ժառանգություն: ՀՍՍՌ ԳԱ հրատարակությամբ լույս տեսնող «Հայ ժողովրդական հեքիաթների» տասից ավելի հատորները ընդգրկում են Ե. Հալայանի հավաքած նյութերը, որը և կհավերժացնի նրա հիշատակն ու մայր ժողովրդի համար կատարած էրա մեծ ծառայությունը:

Զեկուցումներից հետո Հալայանի մասին հետաքրքիր հուշերով հանդես եկան պրոֆեսոր-դոկտոր Կ. Մելիք-Ոհանջանյանը և ՀՍՍՌ ԳԱ թղթակից անդամ Մ. Հասրաթյանը:

Ա. ՂԱԶԻՅԱՆ